

四庫全書

子部

欽定四庫全書

子部
普濟方卷八十七

詳校官太醫院院使臣張聲基

編修臣倉聖脈覆勘

總校官庶吉士臣倉聖脈

校對官編修臣嚴福

謄錄監生臣劉文耀

欽定四庫全書

普濟方卷八十七

明周王朱橚撰

諸風門

總論

風為天地浩蕩之氣正順則能長養萬物偏邪則能傷害品類人或中之鮮有不致斃者是以聖人推為百病長原夫風與氣一也塞乎天地之間則陰陽不同在乎人身之中則吹呵有別陰為風故風無形而有其勢陽

為氣故氣有質而無其威吹則冷而勁為風呵則溫而和為氣是以四時之內八風二十四氣者以候陰陽消長之機也大塊噫而為風山澤蒸而為氣風勁則氣清氣濃則風息在人亦然人生天地之中負陰抱陽稟冲氣以為和上古之人其知道者法於陰陽和於術數飲食有常節起居有常度不妄作勞故精氣內安形神外全病安從來今時之人以酒為漿以妄為常醉以入房以慾竭其精神以耗散其真不知持滿不知御神務快

其心逆於生藥致陰陽不調腑臟氣偏榮衛失度氣血
錯亂經脉空虛腠理不密外邪因得以傷之邪風之中
人也其狀奄忽蓋氣性緊暴善行數變其中人也卒其
眩人也暈激人涎浮昏人神志千金方論有七十二種
究其大法則以五風為首五風者謂肝心脾肺腎五臟
之中也其言生死各亦不同肝風之狀踞坐不得低頭
青色圍繞目額者可治宜於肝腧灸之若上喘目直視
唇口俱青或面目大青黑一黃一白者死心風之狀汗

自出偃仰不可轉側唇色正赤語言狂妄者生宜於心
膺灸之若唇面青黃黑赤色不定眼瞤動不休或面目
時時悚動者心絕也五日而死脾風之狀踞而腹滿不
嗜食一身通黃四肢不收口吐醎沫者常可治之宜灸
脾膺若手足俱青木賊土敗必死矣肺風之狀偃卧腦
滿喘而不休冒昧汗出鼻不聞香臭不得卧目鼻下至
口色白者可治宜於肺膺灸之若失血及妄言色黃者
不治七八日而死腎風之狀踞而腰脚痛重視脇肋邊

未有黃點者可治宜於腎腧灸之若齒黃面如土色者死至於六腑本無中風唯胃有者以胃為水穀之海變化五味以資五臟虛則風邪亦得以中之胃風之狀額上多汗飲食不下隔塞不通腹滿去衣則腹脹張口肩息心下澹澹食寒則泄孫真人云新食竟取風為胃風瘧論亦然五臟中風其脉皆浮但兼以本脉而見於本部與人迎相應也假令肝中風則左手關部與人迎脉並浮而弦者也餘皆倣此大抵肥人多易中風以其肌

膚軟脆風邪易中入之則深龐老故云人肥則風氣不
得外泄即為熱中而目黃人瘦則風氣外泄即為寒中
而泣出蓋可知矣得此疾者胗其脉遲浮者吉急疾大
數者凶大閉澀為順下利為逆口目俱閉者易治口目
俱開者難治骨熱多煩者損其煩熱藥臟寒不利者損
其冷劑治之當隨病之淺深慎無執着諸方論中所謂
左癱右瘓者由邪氣中人邪氣反緩正氣反急正氣引
邪喎僻不遂風賦有云氣虛則瘓無左右血澀而癱中

兩邊以此而知氣血俱虛則癰瘰兩證俱有若氣順血
澀則為癰風癰風者筋脉拘急攣拳也若血順氣虛則
為瘰風瘰風者譚軟擡動不能也不必左為癰而右為
瘰瘰風不可全用風藥當以理氣藥兼而用之癰風則
當以益血補筋去風藥治之則萬舉萬全矣予歷觀古
方治諸風不問病之輕重表裏淺深皆以小續命湯加
減用之此良法也但小續命湯內無通氣藥不可獨用
若能以通氣湯散兼而服之必成其功矣宋氏云治風

之法當以暖散中通氣為先通則痰氣不薰蒸風亦自得以攄散誠哉是言也小續命湯通治諸風惟偏枯則不可多用蓋偏枯者其人血不榮於一邊小續命湯復發汗亡血故也偏枯者半身不遂肌肉枯瘦骨間疼痛神智如常治之宜養血大八風湯續斷湯風痺者身無痛處但四肢緩縱神智昏亂不甚語言微有知則可治以其風散涎注關節氣不能行故四肢不遂也治之先進太乙神精丹三粒次以西州續命湯風癱者奄不知

人咽中噫噫然有聲以其邪中心肺涎潮鼻塞心肺間
閉故不能言宜用小續命湯獨活湯風柔者以風熱入
於肝臟使諸筋攣急屈不可伸經曰寒則攣急熱則弛
張風顫者以風入肝臟經絡之氣不守正位故使頭招
搖而手足顫掉也風瘖者以風冷之氣客於中滯而不
能發故使口噤而不能言也風痺者由風寒濕三氣襲
於經絡舍於血脉留於榮衛故使身頑肉厚不知痛癢
其證則有筋骨血肉氣之五痺以屬五臟諸痺始得之

在外速治之無不愈者及其邪氣深入各傳於臟無不危殆故曰風中脉則口眼喎斜中腑則肢體廢風入臟則性命危矣又有中風之病卒暴昏昏迷浮腦中上下相引聲如引鋸皆由飲食過度嗜慾無節停留胃中使氣脉闕隔不得運行榮衛失度臟腑怯弱風邪暴客相搏成涎雖投治風藥永不得下蓋涎浮上部填塞心胃諸風閉塞急當吐之使快為度然後急進續命湯近世方書多云中風不可吐久後令人壞一臂蓋藥中多用

水銀粉大損脾胃脾胃既損四肢不舉理之必然殊不知古人治法其高者因而越之病在胃上為高越之為吐也如硃砂丸止是吐腦上積涎於脾胃何損用之必效若俱無涎亦慎與吐恐脾胃俱虛嘔血而死不可不知世有氣中方書無載考其至理皆由喜怒不節氣血暴傷蓋暴怒傷陰暴喜傷陽怒則氣逆喜則氣緩氣血失常亂於胃中壅於經絡滯則泣漸漸無力昏困欲倒治之當順氣理血不可妄投風藥至如新沐中風名曰

首風飲酒中風名曰漏風又曰酒風入房中風名曰內風又曰勞風各有治法夫風之為病有瘙癢者有癰疹者有疼痛者有瘡瘍者有聾聵者有歷節者有顛厥者有狂妄者千狀萬化莫不由五臟而生矣○大抵人之有生以元氣為根榮衛為本根氣強壯榮衛和平腠理緻密外邪客氣焉能為害或因喜怒或因憂思或因驚恐或飲食不節或勞役過傷遂致真氣先虛榮衛失度腠理空疎邪氣乘虛而入及其感也為半身不遂肌肉疼

痛為痰涎壅塞口眼喎斜偏廢不仁神智昏亂為舌強
不語頑痺不知精神恍惚驚惕恐怖或自汗惡風筋脉
攣急變證多端治療之法當推其所自若內因七情而
得之者法當調氣不當治風外因六淫而得之者亦先
當調氣然後依所感六氣隨證治之此良法也但髮直
吐沫搖頭上攢面赤如粧或頭面青黑汗綴如珠眼閉
口開聲如鼾睡遺尿不知人者皆不可治○風者百病
之始善行而數變行者動也風本為熱熱勝則風動宜

以靜勝其躁養血是也治須少汗亦宜少下多汗則虛其衛多下則損其榮治其在經雖有汗下之戒而有中藏中府之分中府者宜汗之中藏者宜下之此雖合汗下亦不可過也汗多則亡陽下多則亡陰亡陽則損其氣亡陰則損其形初所謂表裏不和須汗下之表裏已和是宜治之在經也其中府者面顯五色有表證而脉浮惡風惡寒拘急不仁或中身之後或中身之前或中身之側皆曰中府也其治多治中中藏者唇吻不收舌不轉

而失音鼻不聞香臭耳聾而眼瞽大小便秘結皆曰中藏也中藏之病難治也六府不和留結為癰五藏不和九竅不通患此乃在經也初證既定宜以大藥養之當順時令而調陰陽安臟腑而調榮衛少有不愈者也風中府者當以加減續命湯隨證發其表如兼中藏則大便秘澀宜以三化湯通其滯初證已定別無他變以大藥和治之大抵中府者多著四肢中藏者多滯九竅雖有中府者多兼中藏之證至於舌強音失服大藥能

自愈也有中風濕者夏月多有之其證身重如山不能轉側宜除風勝濕去熱之藥切不可針灸治之○氣血痰水受病於內者也風寒暑濕致寇於外者也人之一身血氣既虛陰陽不守飲食居處嗜慾無節衝風卧地調護不加於是經絡空踈腠理開徹風邪乘其虛而入之挾熱則痿墮緩遲挾寒則急痛拘攣自其邪氣之入人也邪氣反緩正氣反急正氣引邪為喁僻為窺視為掣縱為搐搦為癱瘓為反張在於陽則皮膚緩在於

陰則為腹裏急緩則四肢不能收急則一身不能仰皆隨其邪氣所至表裏淺深而有證也種類雖多夫要有四血氣偏虛身不遂肌肉枯瘦骨間疼痛謂之偏枯神智不亂身體無痛四肢不舉一臂不隨謂之風痺

能言則可

治忽然迷仆舌強不語喉中窒塞噫噫有聲謂之風癰

身有汗則生

風寒濕三氣合而為痺其人肉厚身頑不知痛

癢風多則走注寒多則疼痛濕多則重着在筋則筋屈而不伸在脉則血凝而不流在骨則不仁在肉則癰重夫

是之謂風痺傷風一證發熱煩燥頭疼面光惡風自汗
蓋風能散氣故有寒也風家脉浮者病在表脉實者病
在裏脉虛者病在臟脉促者病在上浮則發散實則踈
導虛則溫之脉促於上而病人壯威胃喉澎湃者瓜蒂
散少少吐之俗謂熱則生風大綱然爾多有胃虛氣虛
血虛虛極而生風者若諸虛證候天雄附子官桂川烏
又必不可闕治法大要盡以消痰順氣為先順氣用南
木香蘇合香圓輩消痰用南星半夏細辛殭蠶輩如石

綠鐵燄水銀輕粉鉛霜朴硝等劑謹勿妄施寒毒入胃
則血脉凝澁真氣消鑠不旋踵為廢人治風良劑小續
命湯為主排風湯次之然此二藥主風不主氣須以人參
順氣散烏藥順氣散佐助其間氣一流行則風亦踈散
矣至若口開手散瀉血遺尿眼合不開汗出不流吐沫
氣粗聲如鼾睡面緋面黑髮直頭搖手足口鼻青冷口
噤而脉急數皆為不治之證若中於肝者人迎與左關
上脉浮而弦面目多青惡風自汗左脇偏痛中於心者人

迎與左寸口脉洪而浮面舌俱赤翕翕發熱瘖不能言
中於脾者人迎與右關上脉浮微而遲四肢怠惰皮肉
潤動身體通黃中於肺者人迎與右寸口脉浮濇而短
面浮色白口燥多喘中於腎者人迎與左尺脉浮而滑
面甘色黑腰脊痛引小腹隱曲不利中於胃者兩關並
浮而大額上多汗膈塞不通食寒則泄凡此風證或挾
寒則脉滯浮遲挾濕則脉浮滯濇二證俱有則從偏勝
者治之若因七情六淫而得之者當先調氣而後治風

邪倉卒之際救此急證宜先以皂角細辛搐入鼻內通其闕竅次以蘇合香丸搽牙連進以生薑自然汁并三生飲候其甦醒然後次第進順氣排風續命之類張仲景曰欲療諸病當先以湯蕩滌五藏六府開通諸脉治道陰陽破散邪氣潤澤枯朽悅人皮膚益人氣血水能淨萬物故用湯也若四肢病久風冷發動次當用散逐邪風氣濕痺表裏移走居無常處者散當平之次當用丸丸藥者能逐風冷破積聚消諸堅癖進飲食和榮衛

能參合而行之者可謂上工故曰醫者意也又曰不須汗而強汗之者出其津液枯竭而死須汗而不與汗之者使諸毛孔閉塞令人悶絕而死又不須下而強下之者令人開腸洞泄不禁而死須下而不與下之者使人心內懊懣脹滿煩亂浮腫而死人不得灸而強灸之者令人火邪入腹干錯五藏重加其煩而死須灸而不與灸之者令人冷結重凝久而彌固氣上衝心無地消散病篤而死○風者百病之長善行而數變位列東方甲也

時春升也人甲膽乙肝是也四氣調神論云春二月此發凍發皮毛發腠理三冬陳積惡氣是明發汗宜陽氣升天地俱生萬物以榮生而勿殺予而勿奪賞而勿罰春氣之應養生之道也或曰此論春時之令生養之道人病八風所害難入此說荅曰素問之道皆謂人養生失宜而作病也至真大要論四反治為證當通用順月令升發以滋陽道而反補之為之治至自古立方治風之藥皆辛溫溫補東方之氣辛補風之散辛溫氣味皆大補甲膽乙肝足可因經云風以明其通用及於發散之理非便下也

從上受之惟宜宣發以去之針刺論云夫邪氣之客於形也必先舍於皮毛留而不去入舍於經脉內連五臟散於脾胃陰陽俱感五臟乃傷此邪之從皮毛而入極於五臟之次也如此則治其經焉凡治諸病先別陰陽故經云陽盛陰虛下之則愈汗之則死仲景云發表攻裏本自不同夫八正之氣風其至以時乃生萬物者也切避其寒暑有和風有大暑風有涼風有寒折木風衝後八風人中則病謂之虛風冬天大寒之風中人則暴

死治之大要先針刺皮毛經絡以出其血無令邪氣得

入於經脉百病皆然俱出皮毛間血絡也若冬月閉密

陽氣不令妄泄至春氣升旺之時故膽風得用事矣此

由脾胃榮氣上行者是也故曰清陽為天清氣出上竅

耳目口鼻
舌喉也

清陽發腠理

津液上行於皮毛養血脉
七神所依元氣因流者也

清氣

實四肢

清陽之氣護衛皮毛邪不得犯充塞
天地在人則安皮毛可開闔者也

明春升肝

膽之上衝於天即謂之穀氣一體不須兩認胃之穀氣

大矣哉滋養天真元氣此即七神主萬化者也又云榮

氣常與衛風相合隨此即春風肝膽之氣故風不可折也治法正則周身元氣不差忒矣豈可便以大苦寒之劑妄下之及龍麝硃砂牛黃諸鎮墜之藥瀉之惟其不知而妄用以致傷生是失內經之旨故也

中風 附論

夫風天地山川之氣也所發遠近有二焉一者天地八方五行四時之氣為近風春秋冬夏各依其所時從東西南北天涯地際八卦之鄉來者為遠風溫涼寒暑從

微至盛各隨其孟仲季以順十二月周一歲也溫涼寒暑之氣是風也動則靡靡然靜則含含爾是天地之風經曰邪風者非是時行乘節之風亦非山川鼓振之風是人間庭巷門戶窓牖之逕氣爾天無風之日其恒有逕氣人長居其間日月積久乃能虛人膚肉入人百脉流注五藏六府則致生病焉凡四時風者春九十日名曰清風傷人為肝風夏九十日名曰陽風傷人為心風秋九十日名曰涼風傷人為肺風冬九十日名曰寒風

傷人為腎風其分布八方亦異名也太一神之隨其節
居其鄉各至四十五日風雲皆應之東北方艮之氣立
春王名為條風一名為函風王四十五日東方震之氣
也春分王名為明庶風一名嬰兒王四十五日東南方
巽之氣立夏王名為清明風一名弱風王四十五日南
方離之氣夏至王名為景風一名大弱風王二十七日
合仲夏也仲夏中央之氣戊己王十八日合夏至都四
十五日王皆同在此仲夏者非孟仲之仲是天地之仲

正中五行之所會四季之所同其一節而火土二氣王之分夏數為二位故為仲夏也西南方坤之氣立秋王名為涼風一名謀風王四十五日西方兌之風秋分王名為閭闔風一名剛風王四十五日西北方乾之氣也立冬王名為不周風一名折風王四十五日北方坎之氣冬至王名為廣莫風一名大剛王四十五日由此四風之變而生八風八風者八方之風也若從其鄉來者主長養萬物則人少病若不從其鄉來而從所勝來者

為賊邪害於萬物則人多病是故聖人云避風如避矢
然風之傷人或為熱中或為寒中或為厲風或為偏枯或
為癱瘓或角弓反張風善行而數變其病各異其名不
同也○中風者凡風之傷人或為寒中或為熱中或為
厲風或為偏枯或為賊風故以春甲乙傷於風者為肝
風以夏丙丁傷於風者為心風以四季戊己傷於風者
為脾風以秋庚辛傷於風者為肺風以冬壬癸傷於風者
名為腎風風中五藏六府之腧亦為藏府之風各入其

門戶所中則為偏風風氣循風府而上則為腦風風入則為目風眼寒飲酒中風則為漏風入房汗出則為內風新沐中風則為首風久風入中則為腸中風外在腠理則為泄風故曰風者百病之長也至其變化乃為他病無常方焉是知風者善行而數變者在人肌膚中內不得泄外不得散因人動靜乃變其性有風遇寒則飲不下遇熱則肌肉消而寒熱有風遇陽勝則不得汗遇陰勝則汗自出肥人有風肌肉厚則難泄喜為熱中目

黃瘦人有風肌肉薄則常外汗身中寒目淚出有風遇於虛腠理開則外出淒淒然如寒狀覺身中有水淋狀時如竹管吹處此是其證也有風遇於實腠理開則內狀令人熱悶是其證也○肝中風者人迎并左關上脉浮而弦在天為風在地為木在人藏為肝肝虛喜中風為類相從故脉應在左關肝風之狀多汗惡風色微蒼頭目瞶左脇偏痛嗜甘如阻婦狀筋急攣痺不伸診在目其色青心中風者人迎與左寸口脉洪而浮在天為

熱在地為火在人藏為心心虛因重邪風乃子母相因
故脉應在左寸口心風之狀多汗惡風色微赤翕翕發
熱瘡不能言不欲食食則嘔診在舌其色焦赤脾中風
者人迎與右關上脉浮而微遲在天為濕在地為土在
人藏為脾脾虛因中風邪為勝尅故脉應在左關上脾
風之狀多汗惡風面黃四肢怠惰皮肉瞤動發熱短氣
不欲飲食嗜卧如醉人診在唇其色黃肺中風者人迎
與右寸口脉浮濇而短在天為燥在地為金在人藏為

肺肺虛因中邪風為乘尅故脉應在右手寸口肺風之
狀多汗惡風色皓然白口燥而喘逆氣肩息身重背痛
面脹腫晝瘥暮甚診在鼻其色白腎中風者人迎與左
尺脉中浮而滑在天為寒在地為水在人藏為腎腎虛
因中邪風為子母相感故脉應在左尺中腎風之狀多
汗惡風色如炘面龐然浮腫腰脊痛引小腹隱曲不利
昏寢汗愈多志意惶惑診在耳其色黑胃中風者人以
胃為藏海納五味以滋養五藏虛而中邪風故其狀額

多汗飲食不下膈塞不通腹善滿失衣則腹脹口肩息
心下淡淡食寒則泄大腸中風者卧而腸鳴不止灸大
腸腧百壯可服續命湯賊風邪氣所中則傷於陽外先
受之客於皮膚內傳入於經脉經脉滿則入於絡脉絡
脉滿則輸於大經中或病歸於六府則為熱不時卧止
為啼哭其脉堅大為實實者外堅中滿不可按之按
之則痛也經絡諸脉傍支去者皆為經脉也○凡中風
脉無不大者非熱也暴風脉也中風有冷熱陽病則熱

陰病則冷冷則用溫風藥熱則用涼風藥不可一槩用也凡中風皆不可吐出涎人骨節中皆有涎所以轉動滑利中風則涎上潮咽喉中滾響以藥壓下涎再歸骨節可也不可吐出若吐出涎時間快意不久枯了手足不可不戒小兒驚風亦不可吐出涎其患與大人同方其發搐搦之時不可捉住手足捉住則涎不歸手足當不隨但寬抱之可也凡中風涎潮於心卒然中倒當時扶入煖室中扶策正坐用好醋炭燻之醋氣衝入口鼻

間良久其涎聚於心者自可收歸輕者即甦重者亦省
人事惟不可喫一滴湯水入喉如喫湯水則其涎永繫
於心終不能去必成廢人不可不知○凡中氣口開手
撒眼閉遺尿聲如鼾睡髮直吐沫搖頭上攏面赤如粧
或頭面青黑汗出如珠循衣摸床神昏不語皆死證也
蓋口開者心氣絕也遺尿者腎氣絕也手撒者脾氣絕
也眼閉者肝氣絕也鼻鼾者肺氣絕也○中風口噤脉
遲浮者吉急實大數者凶凡中風浮緩為癰瘕浮滑為

風痰浮實為風實浮細為風虛不浮不沉大小有力息數調勻者可治虛細獨大獨小獨遲者不可治口開者心氣閉絕也遺尿者腎氣閉絕也手撒者脾氣閉絕眼合者肝氣閉絕鼻鼾者肺氣閉絕備此五證尤不可治五證中纔見一證猶當審餘證以救療蓋以初中風則眼合者多痰上則鼻鼾者亦多惟遺尿口開俱見為惡心為五藏主君腎為一身根本誠不可閉絕也

方

八瓊丹

出聖濟
總錄

治五藏中風偏風賊風偏枯手足不

隨

硫黃

水銀

二味同結
作沙予

曾青

丹砂

雄黃

白

石英

紫石英

鉛丹

玄精石

胡粉

各一兩

硝

石

二兩

以上十一味各細研入磁合盛合上留一眼子外用
六一泥固濟畢候乾以文火養一復時後閉合眼子
用大火燒令通赤去火放冷取去以紙裏藥地內埋

三日去火毒取去研令極細入後藥

龍腦

麝香

牛黃

天竺黃

并細研

琥珀

虎骨

炙酥

甘草

炙

烏蛇

酒浸三日去皮骨炙

天南星

炮

天麻

白附

子炮

麻黃

去根節

乾蠍

炒

桂

去粗皮

木香

附子

炮裂去皮

檳榔

剉

獨活

去蘆頭

細辛

去苗葉

阿膠

打碎炒燥各一兩

白

末

白僵蠶

炒

犀角

鎔

羚羊角

鎔

芎藭

蟬蛻

去土

膩粉

研各半兩

右除前煨研外餘搗研為末再同研勻煉蜜和擣一

二千下丸如小彈子大每服一丸細嚼以豆淋酒下
輕病只溫酒嚼下

靈寶丹

出聖濟
總錄

治諸中風凡人生自幼稚至於老耄

率多因風而致疾或吃食傷飽或不食失飢或渴而
失飲或飲而過量或因五味之傷或胃熱衝風或大
寒近火或暴露寒濕或刺損肌膚撲傷肢體或失節
宣或多嗜慾緣此風趨諸竅或留一偏遂使手足不
隨言語蹇澁或痛連骨髓或痺襲皮膚瘙癢如蟲行

瘧痺如鐵石或多痰好睡或健忘多噎血脈不行面色乾瘦久在牀枕起便須人語澁面浮精神困耗皆其證也若積歲不愈肢節不能運動者但如法服十數粒即效亦有中風絕斃者但心頭未冷取藥五粒以醋調摩臍中一千餘遍但從臍四面漸煖待眼開後以熱醋研下十丸入口即活凡病不問輕重年月深淺先以紅雪通中散三錢茶調下須臾更以熱茶投令宣瀉一兩行便依法煎薑豆湯下三粒當以他

人熱手更摩所患處須臾熱徹當覺肉内有物如火
至病所一二百日内及一年內風疾不能下牀者一
服三粒十服後便可行步如患至重者每利一度後
隔日服五粒又住三五日即更利不過三十粒平復
如故若打撲損多年每遇天陰疼痛舉動不能者可
五七服服此藥多者疾去後藥力常在具方如後

丹砂

一兩半研如皂子大絹袋盛以麴麥下汁煮三復時取出研如粉

硫黃

一兩碎如

皂子大絹袋盛以無灰酒煮三伏取出研如粉

自然銅

一兩先搗碎

雄

黃

一兩碎如皂子大絹袋盛以米醋煮三復時取出研如粉

右四味用有蓋餅子先以金箔三片鋪餅底上便入硫黃又以兩片蓋之次入雄黃又以金箔兩片蓋之次入丹砂又以金箔兩片蓋之次入自然銅又以金箔三片蓋之以餅蓋合却不用固濟於灰池內坐餅子令穩以火養三日三夜第一日用熟炭火半斤圍餅子去餅子三寸第二日用熟炭火十兩去餅子二寸半第三日用炭一斤去餅子二寸以火盡為度候

冷取藥出以紙三重裹藥於淨濕土中培至來旦取出更研令細

磁石

煨醋淬一七遍搗研如粉

陽起石

研如粉

理石

研如粉

紫石英

研如粉

右四味各三分用有蓋磁餅子先入磁石陽起石次入理石次入紫石英其所入金箔一依前法以蓋合之不用固濟用火養三日三夜第一日用熟火一片去餅子三寸第二日用炭三斤去餅子二寸半第三

日用炭半秤去餅子二寸一日至夜任火自消候冷
取出藥用紙裹入濕土中培至來旦取出更研令細

牛黃

龍腦

麝香

膻肭臍

酒刷炙

龍齒

虎頸

骨

酒塗炙令黃

右六味各一兩搗羅為末更研如粉

石鍾乳

十兩以絹袋盛先以長流水煮半日後棄水別用水五斗煎取一斗留煮後草藥外

更留鍾乳水三合磨生犀角三分

苦參

遠志

去心

巴戟

去心

烏蛇

酒浸去皮骨炙

仙靈脾

天麻

各一分

右七味搗羅為末以前鍾乳水一斗煎至七升用生絹濾去滓澄清

木香

肉豆蔻

去殼

鹿茸

去毛塗酥炙

桂

去皮炙一兩半

延胡索

梧桐淚

各三分

右六味搗為末以前鍾乳汁七升煎至四升以生絹濾去滓澄清

半夏

湯洗七遍去滑

當歸

切焙各一兩

右二味搗羅為末以前鍾乳汁四升煎至三升以生

絹濾去滓澄清

芒硝

一兩
細研

生地黄汁

一升

無灰酒

一升

童子小便

一升

皂

子仁

一兩半搗
羅為末

右以地黄汁等通前三升計六升貯鍋中於靜室內以文火養至一升下金石藥末在內以柳棍木攪勿令住手稀稠得所去火然後入牛黃等六味攪令極勻即下皂子仁末及磨下犀角水以綿濾過入在藥內研於鉢內以乳椎磨三五千轉此藥黏如膠須用

力研之研訖分為三分內一分入上件芒硝則更令勻並丸如梧桐子大此藥三名一名歸命丹一名返魂丹入芒硝者名破棺丹如有中一切風牙關緊急及尸厥暴亡者以熟醋研三兩丸灌在口中下得咽喉中即活如要常服空心溫酒下二丸

七寶膏

出聖濟總錄

治中風涎潮言語蹇澁精神恍惚煩

悶內熱氣在下使大腸祕澀氣熱乘虛上衝則神志昏昧宜順三焦化痰

牛黃 麝香 龍腦 丹砂 雄黃 各一分 同研 天竺

黃 白殭蠶 炒 白花蛇 酒浸去皮骨炙 白附子 炮 天麻 各半

兩 蠍 稍炒一分 天南星 酒浸一宿切作片子焙半兩 膩粉 真珠

末 各研一分 蛇黃 煨醋淬 自然銅 煨醋淬 鐵粉 研 銀礦 煨

乳香 研 蘆薈 研 犀角 鎔 鉛白霜 研各一分 龍膽 桑螵

蛸 炙 芩窮 人參 胡黃連 原蠶蛾 炒各半兩

右為末煉蜜為丸如皂子大每服一丸薄荷湯化下

食後臨卧服卒病不拘時服

吳秦朮散

出千金方

治風注入肢體百脉身腫角弓反張

手足酸痛皮膚習習身體盡痛眉毛墮落耳聾驚悸
心滿短氣魂志不定陰下濕癢大便有血小便亦黃
五勞七傷萬病皆治

秦朮 蜀椒 人參 茯苓 牡蠣 細辛 括

萎根

麻黃

各十銖 乾薑

附子

白朮

桔梗

桂心

獨活

當歸

各一兩

黃芩

柴胡

牛膝

天雄

石南

杜仲

莽草

烏頭

各半兩

甘草

芎藭

防風

各一兩半

右為治下篩盛以葦袋食前溫酒一升服方寸七日

三服急行七百步更飲酒一升忌如常法

至聖太乙散

出聖濟總錄

治中身癱瘓半身不隨口眼喎

斜語言蹇澁形神如醉驚悸狂言夜卧不安或周身麻痺皮膚不知痛癢四肢不舉身重如石腰膝強鯁或筋脉拘攣瘰癧不能行步百關壅塞痰涎痞滯或卒急中惡客忤尸注鬼氣邪魘尸厥暴亡不省人事

等疾

犀角

鎊

仙靈脾

眞珠末

滑石

胡黃連

惡

實

炒

人參

地丁草

去根

白茯苓

去皮

蠶沙

炒

硃砂

研

木通

板藍根

鬱金

各一兩

大黃

牛黃

研

血竭

研

芍藥

剉

梔子仁

馬牙硝

蒼朮

剉去黑皮

荊芥穗

芍藥

延胡索

璵瑠

鎊

琥珀

研各半斤

甘草

炙二兩半

右為末如中風不語用新水調下一錢匕如口噤即

灌下若能咳嗽夜半當省人事灌藥四服後不咳嗽

者必不可救卒中惡風涎不止用白礬半錢匕太乙散一錢匕和勻以新水調下謾謾灌之即活

龜角湯

出聖濟總錄

治中風手足不隨舉體疼痛或筋脉

攣急

龜板

醋炙

虎骨

醋炙各六兩

海桐皮

羌活

去蘆頭

丹參

獨活

草薢

牛膝

去苗酒浸切焙

五加皮

酸棗仁

炒各

三附子

炮裂去皮臍

天雄

天麻

去蒂防風

威靈仙

去土

芎藭

各二兩半

當歸

切焙

桂

去粗皮

紫參

各三兩

薄荷

焙乾六兩

檳

榔煨六兩 菖蒲九節者去鬚米泔浸後切焙一兩半

右剉如麻豆每用八錢七水一盞酒一盞生薑十片
同煎去滓取一大盞溫分三服空心日午夜卧服要
出汗併二服如人行五里以熟生薑稀粥投厚衣覆
汗出慎外風

通神散出聖濟總錄

治中風昏憤肢體不收不以急緩

烏蛇去皮骨酒浸炙 躑躅花酒浸炒 蟬蛻生用 天南星生薑汁浸炒乾

麻黃去根節 天麻酒浸炙 牛膝酒浸切焙 防己剉 羌活去蘆頭

獨活

去蘆頭

地龍

去土生用

石斛

去根浸炒

桂

去粗皮

皂莢

去皮

子酒

乾蠍

生用

附子

炮裂去臍

白附子

半生半炮

烏頭

炮裂去皮

臍

丹砂

別研各一兩

麝香

別研半分

右除別研外搗羅為散每服一錢至二錢匕溫酒調

下日三服

大麻仁丸

出聖濟總錄

治中風諸疾

大麻仁

研

吳茱萸

湯浸焙炒

麻黃

去節

枳殼

麩炒去穰

白芷

各半兩

天雄

炮裂去臍

當歸

切焙各一兩一分

茯苓

去木三分

秦艽

去細辛去苗葉烏頭炮裂去皮臍白朮去心天門冬炒獨

活去蘆頭蜀椒去目并閉口炒出汗防風去叉羚羊角鎔去粗皮各桂去粗皮各

一兩白檳榔煨一兩半熟乾地黄切焙三兩

右為末煉蜜和丸梧桐子大每服空心溫酒下三十

丸日三服

四白丹出保命集治能清肺氣養魄中風者多風冒氣不

清和也

白朮 人參 縮砂 白茯苓 香附子 甘草

防風 川芎 白芷 白檀 知母 羌活

薄荷 獨活 細辛 麝香 一錢 別研 龍腦 半錢 別研 牛

黃 半錢 別研 藿香 一錢 半 淡竹葉 二兩

右為細末煉蜜為丸每兩作十丸臨卧嚼一丸煎愈
風湯嚥下能上清肺氣下強骨髓

大秦艽散 出危氏方 治風壅痰盛四體重者或軟癱疼痛

或拘攣麻痺顫掉口乾目赤煩熱睡卧不寧

條參 去蘆 羌活 去蘆 枳殼 去蘆 赤芍藥 苦梗 去蘆 前胡

川芎 白芷 黃芩 薄荷 天麻 桑白皮去赤

防已 防風 粉草 荊芥穗 木瓜 赤茯苓

川牛膝去苗各等分

右剉散每服四錢水一盞半生薑三片煎溫服不拘

時候一服

羚羊角丸出聖濟總錄

治手足中風瘧痺行履艱難

羚羊角屑 桂去粗皮 白檳榔煨 五加皮剉 人參

丹參 栢子仁 枳殼去穢炒 附子炮裂去臍 杏仁去皮

尖及雙仁炒 茯神去木 防風去義 熟乾地黄焙 麥門冬

黃各一兩半 去心焙 南木香 牛膝酒浸切焙 薏苡仁二兩

右搗羅極細煉蜜和丸梧桐子大每服空心溫酒下

三十丸日二服

大鐵彈丸

出直指方

治中風癱瘓口眼喎斜筋骨攣痛肢

體麻木

自然銅

燒紅醋淬七次兩半

虎頸骨

酒浸黃炙

當歸

酒浸焙

白附子

炮

川烏

炮去皮臍

五靈脂

炒麻黃

去節各一兩

沒藥

乳香

全蠍焙 安息香 白芷 直殭蠶炒去絲 烏蛇

肉酒浸焙 木鱉二十一箇 硃砂 麝香各一分

右為末以酒煮安息香入飛白麪糊為丸彈子大每服一丸溫酒磨下

防風通聖散

出保命集

治一切風熱鬱結氣血濕滯筋脉

拘攣倦手足麻痺肢體焦痿頭痛眩暈腰脊強痛耳鳴
鼻塞口苦舌乾咽嗑不利胃膈痞塞咳嗽喘滿涕唾
稠粘腸胃燥澁便溺淋悶或腸胃蘊熱鬱結水液不

能浸潤於周身而為小便出多者或濕熱內甚而有
澀泄者或表之正氣與邪熱併甚於裏陽極似陰而
寒顫煩渴者或熱甚變為瘧疾久不已者或風熱走
注疼痛頑麻者或腎水陰虛心火陽盛熱暴甚而中
風或暴瘖不語及暗風癇或破傷中風時發潮搐并
小兒熱甚驚或癰疹未出不快者更熱劇黑陷將欲
死或風熱瘡疥久不愈者并解酒熱毒及調理傷寒
發汗不解頭項肢體疼痛宜服之

防風 川芎 當歸 芍藥 大黃 芒硝 連

翹

薄荷

已上各半斤

麻黃

去節半兩

石膏

桔梗

黃芩

各一兩

白朮

山梔子

荊芥穗

各三錢

滑石

二兩

甘草

一兩

一方去芒硝加牛膝

半兩酒浸

人參

半兩

半夏

一兩

薑製

右為粗末每服一兩生薑同煎日再服○若勞汗當風為皸鬱及瘞勞汗出於玄府脂液所凝去芒硝加芍藥當歸○若生癰疹或赤或白倍加麻黃鹽豉葱白出汗麻黃去節亦去芒硝若依前方中加四物黃

連解毒三藥合而飲之日二服○若小便淋閉去麻黃加滑石連翹煎藥湯調木香末二錢匕若腰脇疼走疰疼痛加硝石當歸甘草一服內各二錢調車前子末海金沙末各一錢若破傷風每一兩加荆芥穗大黃各二錢調全蠍末一錢羌活末一錢若諸風搐小兒急謾驚風大便結秘邪熱甚腸胃乾燥寢汗咬牙上竄睡諸筋轉驚悸肌肉瞤動每一兩加大黃二錢梔子仁二錢調茯苓三錢羌活末一錢若利四

時傷寒內外所傷每一兩加益元散一兩葱白十莖
鹽豉一合生薑半斤雨水一碗同煎五七沸溫服以
筋投之吐罷後服一半稍熱服汗出立解○飲酒中
風身熱頭疼如破者加黃連鬚二錢葱白十莖依法
立愈○若頭旋腦熱鼻塞涕時下每一兩加薄荷黃
連各二錢半○若風傷於咳嗽喘急每一兩加半夏
桔梗紫蘇各二錢若撲傷損肢節疼痛腹中惡血不
下每一兩加當歸大黃各三錢半調沒藥乳香末各

二錢 宣明論方有縮砂無芒硝名賈同知通聖散

○內經曰膽移熱於腦則辛額鼻淵鼻淵者濁涕下不已也王注曰膽液下澄則為濁涕下不已如水泉故曰鼻淵也此為足太陽脉與陽明脉俱盛也如氣逆者調木香末一錢乳香末二錢

硫黃大黑神丸

出聖濟總錄

治中急慢風

白殭蠶

炒桂去粗皮

天南星

炮各半兩

牛膝

炒令烟出

乾蠍

炒酒

人參

白茯苓

去黑皮各一分

麻黃

去根節先煎掠出沫焙乾二兩

天麻

一兩 白附子 炮 烏蛇 酒浸去 皮骨炙 白花蛇 酒浸去 皮骨炙 硫黃

研 丹砂 研 水銀 各一 雄黃 研半

右前一十二味搗羅為末各頓一處後四味各細研
用銚子先下硫黃銷後下丹砂水銀雄黃文武火結
成砂子待冷刮取搗羅為末先取一磁餅上磨瓦一
小片作蓋子鑽一竅可度得萊豆用六乙泥固臍
子火煏令乾却入沙子末在甌內按令平實然後下
蓋子泥合縫留竅子候乾用火半秤四面約四寸已

來燒至一日須更加火漸近餅子待黑氣出盡後取
濕紙搭餅竅上如紙纔乾便易之至三十易為止待
冷取出細研以酒浸潤一宿再焙為末每石藥末一
兩入前藥末二兩同研取勻煉蜜丸如雞頭實大中
風者以豆淋酒研下一丸至二丸以厚衣服覆出汗
未汗更服用生薑熟稀粥投汗出慎外風

大秦朮湯

出保命集

治中風外無六經之形證內無便溺

之阻隔知為血弱不能榮筋故手足不能運化強舌

不能言宜養血而筋自榮也

秦艽

石膏

各二兩

甘草

川芎

當歸

羌活

獨活

防風

黃芩

白芍藥

白朮

吳白芷

生地黃

熟地黃

白茯苓

各一兩

細辛

右剉每服一兩水二盞煎至一盞去滓溫服無時如遇天陰加生薑七八片如心下痞每服一兩內加枳實一錢同煎亦作

備急黑神丸

出聖濟總錄

治中風

雄黃

研

礞砂

研

丹砂

研

硫黃

研

水銀

先以慢火生

鐵銕內鎔硫

黃銷始傾入水銀急以火筋攪恐焰起即離

火以濕布搭滅候冷刮取與上三件同搗研

右五味各一兩取一湖南燒藥罐子先用六一泥固

齊待乾入上件研者末都入罐子中實按令平連蓋

子泥四縫只留一寸縫不泥合漫火勻養一復時加

火進罐子燒令通赤縫中有煙焰出急抽火令人按

蓋子急泥合縫令徧用淨篩土甞定藥罐子不得令

露透出藥氣上以大盆蓋之來日取出搗羅用濕重

露透出藥氣上以大盆蓋之來日取出搗羅用濕重

帛包裹以淨濕土內甞盆合出火毒三日三夜逐日
起盆微晒十日滿取藥再研如粉入後藥末

犀角

鎊一兩

牛黃

研半兩

天竺黃

研

鹿茸

酥炙去毛各一兩

升

麻

天麻

各一兩

木香

半兩

乾蠅

酒炒一兩

阿膠

漫火炙燥二兩

天

南星

牛膽煮一復時曝乾一兩

右將後十味除研外搗羅為末次入牛黃天竺黃并
將前研五味再同研勻用青州大棗蒸熟去皮核研
如膏和藥搗一千杵丸如梧桐子大中風急風牙關

急口噤不開用豆淋酒生薑酒粟米粥合此藥宜三月三日五月五日或臘月於淨室中焚香齋沐脩合切忌禽獸并婦人等見

五積散

出如宜方

陳皮

製六兩

麻黃

三兩

枳殼

六兩

白芍藥

川芎

當歸

甘草

炙

茯苓

半夏

製

肉桂

白芷

各三兩

厚朴

乾薑

各四兩

蒼朮

製二十四兩

桔梗

十二兩

右咬咀漫火炒令色轉續入肉桂枳殼薑蔥煎去麻

黃合和氣飲入麝香一方只加乳香

蘇合香丸

出如宜方

治卒然眩暈

白朮 青木香 硃砂 烏犀屑 沉香 麝香

訶黎勒 丁香 華撥 白檀香 香附子

已上

各二兩 薰陸香 龍腦 各研 蘇合香 各一兩 安息香 二兩

錢八

為末用好酒一升熬成膏將蘇合油入之

右末入研藥令勻用安息香膏同白蜜和成劑臨用時旋丸又擦牙關或薑汁化下仍宜皂角細辛末搗

鼻通關竅

太乙赤丸

出聖濟
總錄

治中風積涎在膈下四肢癱瘓或

不知人事

丹砂

硃砂

硼砂

鉛白霜

粉霜

硫黃

研細

各半

金箔

銀箔

各十片與前
六味同研

紫石英

研

天麻

羌活

去蘆
頭

獨活

去蘆
頭

巴豆

去心膜
出油

牛膝

炒煙出
各半兩

右為末用黃蠟三兩鎔作汁拌諸藥乘熱丸如雞頭

實大用丹砂為衣入磁合盛每服一丸用糯米飲半

蠱龍腦脂粉各少許薄荷自然汁同化下取下風痰
為效

普濟方卷八十七

欽定四庫全書

普濟方卷八十八

明 周王朱橚 撰

諸風門

中風

活命金丹

衛生寶鑑

治中風不語半身不遂肢節頑痺痰

涎上潮咽嗌不利飲食不下牙關緊噤及解一切藥

毒酒毒發熱腹脹大小便不利胃膈痞滿上實下虛

氣閉面赤汗後餘熱不退勞病諸藥不治無問老幼

男子婦人俱宜服之

貫衆

甘草

板藍根

硃砂

乾薑

各一兩一作乾薑

龍腦

研

麝香

研

青黛

各三錢

牛黃

研

生犀

研

珠子末

薄荷

各半兩

川大黃

一兩半

辰砂

四錢

一半入桂藥一半為衣

兩

右為末與研藥一處攪勻煉蜜同水浸蒸餅為劑每

兩作十丸別以硃砂為衣就濕真金箔四十片為衣

臘月修合磁器收貯多年不壞如療風毒茶清化下

解藥毒新冷水化下汗後餘熱勞病及小兒驚熱薄

荷湯化下已上並量病大小加減用之大有效一方
貫衆不用

牛黃鐵粉丹

御藥院方

治中風痰甚精神昏憤語言蹇澀

手足不隨諸藥不效服之神驗

牛黃 膩粉 硃砂 麝香 生犀木 腦子 研

鉛白霜 雄黃 各一分 南星 牛膽製 鐵粉 川甘硝

人參 各半兩 金箔 銀箔 大者各十片

右研細煉蜜和丸如雞頭大每服二丸以薄荷湯化

下

紅雪通中散

出聖濟總錄

大青

別研一兩

硝石

五斤煎藥後下

丹砂

別研半兩

桑根白皮

一兩

羊角

鎊半兩

蘇枋木

二兩

梔子仁

一十枚

槐花

一兩

升麻

一兩

半淡竹葉

二握

訶黎勒

十五枚去核

大腹

檳榔

各五枚

剉

右別研丹砂大青外餘並粗搗篩用水一斗浸一宿煎至五升去滓入銀石鍋即下硝石丹砂大青不住手攪候沫盡水即成紅雪置磁器中三日取出搗羅

為末即用瓷餅盛不得泄氣有皮風疾者即及一切

滯悶不通臨服用溫水調下二錢七小兒半錢七亦

治傷寒

附子湯

出聖濟總錄

治中風欲死身體緩急目不能開強

舌不能語

芍藥

甘草

炙

麻黃

去根節先煎掠去沫

白朮

各一兩

防風

去

防己

各一兩半

附子

炮裂去皮臍一枚

人參

黃芩

去黑心

桂

去粗

皮獨活

去蘆頭

芳窮

各一兩

天雄

炮裂去皮臍一枚

右劉如麻豆每服五錢匕水一盞半入生薑半分切煎八分去滓空心日午夜卧各溫服如人行五里以熟生薑稀粥投之微汗出慎外風

五靈脂丸

出聖濟總錄

治中風精神昏昧四肢縱緩言語

蹇澀

五靈脂

別為末

附子

炮裂去皮臍

天麻

各五兩

白殭蠶

生用天

南星

生用

烏頭

去皮酒浸

烏蛇

酒浸去皮骨炙各三兩

地龍

去土

白朮

蛇

酒浸去皮骨炙各五兩

白附子

生用一兩

牛黃

龍腦

麝香

各二錢
並細研

右為末用醇酒五升以五靈脂末並入細麪一兩同煎成膏與衆藥杵丸如雞頭實大每服一丸用葱白二寸生薑一寸細剉酒一盞煎臨熟去滓入薄荷汁少許放溫磨下

神照散

出聖濟總錄

治中風昏塞肢體不收口眼喎僻

木香 白茯苓 芎藭 蒺藜子炒去角 人參 獨

活

去蘆頭

黃耆

剉各一分

附子

炮裂去皮臍

遠志

去心各三分

草

薛 茵芋

各一兩 梔子仁 二兩

右為末每服一錢七溫酒調下加至二錢三錢七空

心日午夜卧服

苦參丸

出聖濟總錄

治中風風熱未退頻服前湯力不能

攻更服方見本門風熱類

獨活湯

出聖濟總錄

治中風五臟奄忽不能言四肢垂曳

皮肉瘡痺痛癢不知

獨活

去蘆頭三兩

防風

去叉

芎藭

白茯苓

去黑皮

當歸

切焙

葛根

桂

去粗皮細辛

去苗

甘草

炙各一兩

附子

炮裂去皮

臍各一兩

麻黃

去根節先煎掠去沫焙三兩

右剉如麻豆每服五錢匕水一盞半生薑五片煎至八分去滓空心日午夜卧溫服若初得病自有汗減麻黃宿有滯氣加吳茱萸湯洗七遍炒二兩厚朴去粗皮薑汁炙一兩乾嘔加附子炮裂去皮臍一兩噦加陳橘皮湯浸去白二兩若胃中吸吸少氣加大棗去核十二枚心下驚悸加茯苓去黑皮一兩若熱去

生薑加葛根初得風不須加減即依本方服四五日以後更視病虛實或加減

鐵粉散

出聖濟總錄

治中風涎潮搐搦口眼喎斜手足垂

譚及破傷風沐風生產後中風等

鐵粉

研四兩

天麻

一兩

蠍稍

炒一分

白殭蠶

直者炒一兩

白附

子

炮半兩

烏頭

炮裂去皮骨

白花蛇

酒浸去皮骨炙各三分

桂

去粗皮半

麝香

各一分

龍腦

各一分

丹砂

一兩三分

同研細

右以前八味搗羅為末以後三味合研令勻每服一

錢匕薄荷汁和酒調下臘茶清亦得如病勢危急研

龍腦膩粉薄荷水調服小兒驚風半錢匕

防風湯

出聖惠方

治中風不語兩目不開手足抽掣發歇

往來昏塞涎潮

防風

去義

羚羊角

鎔

赤箭

獨活

去頭

當歸

切焙

麻黃

去根節

桂

去粗皮

杏仁

湯浸去皮尖雙仁麩炒各一兩

前胡

去頭

甘草

炙

秦艽

去苗土

各半兩

右粗搗篩每服四錢匕以水一大盞生薑半分切煎

至七分去滓不計時溫服

人參順氣散

一名通氣驅風湯出直指方

治男子婦人血氣虛弱

虛風攻症肌體顫掉肩背刺痛手足拳攣口眼喎斜
半身不遂頭目旋暈涎痰壅盛語言蹇澀行步艱難
心忪氣短客氣所湊四肢拘急鼻塞頭痛脾胃不和
心腹刺痛胃膈不快少力多困精神不爽不思飲食
嘔吐惡心霍亂吐瀉胎前產後但是風虛百病皆可
治之依法常服調榮衛進食去風通滯氣

天台烏藥

五兩

桔梗

去蘆頭

白川芷

川芎

甘草

炙

陳皮

去白

白朮

各二兩半

麻黃

枳殼

去穰

麩炒

乾薑

七炮

錢人參

去蘆頭半兩

右細末每三錢水一盞薑三片棗一箇煎八分食前

服○傷風鼻塞頭疼葱白薄荷同煎○婦人血氣當

歸煎○一方去白朮人參加殭蠶

炒去絲嘴各一兩

乾薑

半兩

細末生薑薄荷同煎治風氣不順手足偏枯流注經絡并濕毒進襲腿膝攣痺筋骨疼痛大有功效若用

治風去薄荷增棗煎名烏藥順氣散血虛生風氣痺
之狀亦類中風世人呼曰中風所謂熱則生風蓋大
綱之論其實疼痛癱瘓縱掣攣痺之證因於血氣不
流行者為多間有起居不節為賊風所中亦必因虛
而得故治風以暖散中通為先通則痰氣不薰蒸風
亦自得以攄散小續命湯古今治風良法也但無通
氣藥不可獨用復以此藥兼而治之成功必矣一方
無乾薑用紫蘇木瓜湯調末服一方治閃挫身體不

能屈伸溫酒調下一方治搔癢抓成瘡薄荷煎服一
方每料加天麻一兩沉香五錢常服踈風通滯氣調
榮衛進飲食

加減續命湯

一名小續命
湯出濟生方

治中風不省人事漸覺半

身不遂口眼喎斜手足顫掉語言蹇澁肢體痿痺神
情昏亂頭目眩重痰涎併多筋脉拘攣不能屈伸骨
節煩疼不得轉側亦治腳氣弱緩熱久服之瘥有病
風人每遇天色陰晦節候變更宜預常服不可缺以

防瘡啞

麻黃

去根

人參

黃芩

白芍藥

川芎

甘草

防已

杏仁

去皮尖炒

桂

各二兩

防風

一兩半

附子

炮去皮

臍有熱

用者白附子

以工係

正方

右剉散每服四錢水一盞半生薑三片棗二枚煎不
拘時候溫服取汗隨人虛實與所中輕重也筋急拘
攣語遲脉弦加薏苡仁治筋急加人參黃芩芍藥以
避中寒服後稍輕再加當歸全愈脚氣痺弱不能轉

側心神恍惚加茯神遠志骨節煩疼有熱者去附子
倍加秦艽煩燥大便澁去附子倍芍藥加竹瀝臍寒
大便自利去黃芩加白朮附子骨肉疼痛者加肉桂
附子煩燥多驚者加犀角嘔逆腹脹人參半夏自汗
去麻黃語言蹇澁手足顫掉石膏蒲黃竹瀝大便秘胃
中不快枳殼大黃氣塞沉香有痰南星數片發渴麥
門冬乾葛瓜根身疼秦艽上氣浮腫喘急防風桑白
皮以上所加各一兩小兒漫驚煎取藥汁一盞入生

薑汁再煎一二沸日三服夜二服夏間又有熱者減桂一半春加麻黃一兩夏加黃芩一兩秋加當歸四兩冬加附子半兩風虛加川芎一兩一方加木香縮砂獨活各一兩川烏炮三分亦效牙關緊急用南星末半錢龍腦一匙頻擦牙上令熱即開若便痢產後失血并老人小兒加麻黃桂心甘草各二兩若或歌或哭或笑語無所不及用麻黃三兩人參桂枝白朮各二兩無附子生薑防風有當歸一兩自汗出去麻

黃杏仁加白朮若腳弱加牛膝石膏各一兩若腰疼
加桃仁杜仲各半兩若失音加杏仁一兩深師方有
白朮無杏仁救急方無川芎杏仁延年方無防風葉
氏方有羌活川烏當歸無防已外臺方無防已加石
膏忌猪肉冷水海藻蔥菜一方無棗煎名防已湯此
方諸風通治然有感受不同法須兼服一曰首風因
沐頭而感多汗惡風當先風一日而病頭痛不可出
至日則少愈用熟附子一箇鹽等分二味為散沐了

以此方摩痛上令藥行二曰漏風因醉而感多汗少
氣口乾而渴近衣則身熱如火飲食則汗出如浴骨
節怠惰用澤瀉白朮各一兩為末每服二錢酒飲任
下空心名麋啣湯三曰內風房室而成惡風多汗沾
衣口乾上瀆不能辛苦身體盡疼生附子人參各半
兩茴香茯苓山藥各一分甘草乾薑各三分為散每
用四大錢薑三片少鹽煎食前名附子湯一方中風
卒失音濃煎桂末三服效云喉痺用本方

麻黃續命湯

出拔
翠方

治中風不審六經之形證加減雖

治與不治無異也開則洒然寒閉則熱而悶知暴中
風邪宜先以加減續命湯隨證治之中風無汗惡寒

麻黃 防風 杏仁

依本方加一倍宜鍼太陽經至陰出血崑崙舉蹠

小續命湯

出拔
萃方

中風有三內經曰人之氣以天地之

疾風名之故中風者非外來風邪乃本氣病也凡人
年逾四旬氣衰者多有此疾壯歲之際無有也若肥

盛則間有之亦形盛氣衰如此治法和臟腑通經絡便是治風然輕重有三中血脉則口眼喎斜亦有賊風襲虛傷之者也中腑則肢廢中臟則性命危急此三者治各不同如中血脉外有六經之形證則從小續命加減及踈風湯治之中腑內有便溺之阻隔宜三化湯或局方中麻仁丸通利外無六經之形證內無便溺之阻隔宜養血通氣大秦朮湯羌活愈風湯治之中臟痰涎昏冒宜至寶丹之類鎮墮若中血脉

中腑之病初不宜用龍麝牛黃為麝香治脾入肉牛黃入肝治筋龍腦入腎治骨恐引風入骨髓如油入麪莫之能出又不可以槩用大戟芫花甘遂瀉大便損其陰血真氣愈虛方列於後治風經驗方

麻黃

去節

人參

去蘆

黃芩

去心

芍藥

甘草

炙

川芎

杏仁

皮尖

防己

官桂

各一兩

防風

一兩半

附子

細剉半兩

炮去皮臍

細剉半兩

右除附子杏仁搗為粗末後入二味令勻每服五錢

水一盞半入生薑五片煎至一盞去滓稍熱服一方
有熱者加桂枝麻黃各用半兩黃芩加作二兩去附
子一本云恍惚者加茯神遠志錄驗方有白朮不用
杏仁救急方無川芎杏仁延年方無防風昔有人久
患腳弱服此六七劑乃愈有風疹值天陰節輒合服
之可以防瘡瘡

附子續命湯

出拔萃方

治中風無汗身涼

附子

加一倍

乾薑

加二兩

甘草

加三兩

宜鍼隱白穴去太陰之賊也此一證太陰經中風也

桂枝續命湯

出拔萃方

治中風有汗惡風

桂枝

芍藥

杏仁

依本方加一倍宜鍼風府此二證太陽中風

白虎續命湯

出拔萃方

治中風身熱無汗不惡寒

石膏

知母

一料中各加二兩

甘草

依本方加二倍

葛根續命湯

出拔萃方

治風中身熱有汗不惡風

葛根 桂枝 黃芩

依本方加一倍宜鍼陷谷刺厲充鍼陷谷者去陽明之賊也刺厲充者瀉陽明之實也此二證陽明中風也

羌活連翹續命湯

出拔萃方

無此四證六經有繫於少陽

厥陰或肢節攣痛或麻木不仁

小續命

兩

羌活

兩

連翹

兩

續命

兩

右古之續命混淆無經今立分經治療又分各經鍼

刺則無不愈也治去厥陰之井大敦刺以通其經少陽之經絕骨灸以引其熱以此通經引熱是鍼灸同象治法之大體也

桂附續命湯 治中風有汗無熱

甘草 桂枝 附子

依本方加一倍宜鍼太溪此證少陰經中風也

續命湯

一名西州續命湯

治中風入臟四體不自知口不能

語昏昧不知痛處或筋脉拘急中外疼痛不得轉側

方見本門
風癰類

大通青金丹

出聖濟
總錄

治中風

金箔

四十片

丹砂

別研

硫黃

研

曾青

二分

螺髻

胡粉

鉛丹

與曾青末紫石英末
胡粉鉛霜再同研

雄黃

各三分與
丹砂同研

紫石英

研一
兩

鉛霜

研

水銀

三分

與硫黃
結砂子研

右取一湖南燒藥餅子并蓋用六一泥固臍火煨令

乾先下金箔二十片次下砂子同研四味末實按平

又下金箔二十片次下曾青同研五味末又按實令

平次又下金箔九片始用蓋子六一泥合蓋子只留縫一寸不泥合用火法并再搗羅出火毒及再研法並與前方大通水銀丸同用槐膠濃煮湯去滓停令溫入麴煮作稠糊丸如梧桐子大凡中風癱瘓風手足攣急風口面喎斜風癲癇風狂風邪並用溫酒下至五九七九空心日午夜卧各一服

薏苡仁湯

出聖濟總錄

治中風風勢未退服前湯數日未

效

姜蕤

一兩石膏

研二兩半

生薑

切焙三兩

薏苡仁

炒一兩半

犀角

鎔半

兩地骨皮

人參

各一兩

麥門冬

去心生用半兩

烏梅

去核二十

枚

杏仁

去皮尖雙仁炒一兩半

右粗搗篩每服五錢匕水一盞半煎至八分去滓入竹瀝半合白蜜少許攪令勻溫服病若熱多即食前冷服若冷多即食後煖服如服後苦參丸以此湯嚥下

麻黃湯

出聖濟總錄

治中風肢體弛緩言語蹇澁精神昏

憤

麻黃

去根節先煎掠出沫焙三兩

桂

去粗皮半兩

獨活

去蘆頭三錢

羚羊

角

鎔三分

姜蕤

切焙一兩

葛根

剉三兩

防風

去叉一兩半

升麻

一兩

半

石膏

碎六兩

甘草

炙剉三分

右粗搗篩每服五錢匕水一盞半煎至八分去滓溫服如人行五里再服用熱生薑稀粥投汗出慎外風

犀角搜風丸

出御藥院方

治風下痰解結順氣

乾生薑

木香

各半兩

白茯苓

去皮

車前子

木通

各一

兩青皮

去白

陳皮

去白

枳實

楚炒去穢

各二兩

兩

牽牛頭末

四兩

生犀角

一兩半
鎔屑

右為細末湯浸蒸餅為丸如梧桐子大每服三十丸至五十丸食後溫生薑湯下

乳香尋痛丸

出危氏方

治中風癱瘓不遂手足顛曳口眼

喎斜或旋暈僵仆涎潮搐搦卒中急風不省人事每服二十丸黑豆淋酒下風虛眩冒項筋拘急太陽穴疼痛宜用生地黄汁調酒下脚腰疼重行步艱辛筋

脉攣促俛仰不利賊風所中痛如錐刺皮膚頑厚麻痺不仁或血脉不行肌乾瘦生葱酒下或生葱茶亦可風濕脚氣腿膝無力或腫或疼不能舉步兩脚生瘡膿血浸漬癢痛無時愈而又發溫鹽酒下打撲閃肉筋骨損已經多年每遇天寒時發疼發痛沒藥酒下

乳香 川烏 沒藥 五靈脂 白膠香 地龍

白薑 半夏 五加皮 赤小豆

各等分

右為末糊丸隨證湯引如前並空心服

桂附湯

一名解語湯

治中風精神冒悶語聲不出

方見諸風雜治

類

神異溫風丹 治中風一切諸疾

麻黃

去下節擇淨生用五兩

人參

白朮

乾薑

炮各三兩

茯神

附子

炮去皮臍

白膠香

別研

甘草

炙各一兩

乳香

別研

全蠍

炒各

一兩

右將麻黃細剉用水五升熬去半入蜜六兩又熬成

膏入前件藥末和丸如彈子大每服一丸溫酒下日

三服

除濕湯

余居士選奇方

治一切中風自汗浙浙惡風翕翕發

熱呼吸少氣風濕風溫表實裏虛或表虛裏實腠理
開踈氣道壅塞虛汗目黃身腫小便不利胃膈滿腰
疼體痛嘔吐涎沫

白朮

白茯苓

蒼朮

米泔浸

藿香葉

去土

甘草

炙

橘

紅

厚朴

製

半夏

各一兩

附子

六錢

生薑

二兩

右厚朴半夏生薑共一處搗作餅子焙乾同衆藥研
為粗末每服三錢水一盞薑十片煎至一盞不拘時

候服

麻黃湯 治中風氣逆滿悶短氣

麻黃

三兩
去節

甘草

二兩
炙

石膏

四兩
綿裹

杏仁

五十枚
雙仁及尖

去

皮研

人參

三兩

半夏

一兩
洗

乾薑

五兩

防風

茯苓

各四兩

桂心

三兩

右咬咀以水九升煮取三升先食服一升日三服忌

海藻生葱羊肉錫菰菜

大通水銀丸

出聖濟總錄

治中風

水銀

鉛丹

研

丹砂

胡粉

研

鉛霜

別研候藥成入

雄黃

硫黃

先以銚子銷鎔熟帛濾水銀入後以柳杖子急攪結沙子搗研細

硃

砂

以水銀硫黃雄黃丹砂同研

曾青

以上各一兩別研次以曾青鉛丹胡粉同

研

右先將水銀砂子雄黃丹砂硃砂入湖南瓶子中實築次下曾青鉛丹胡粉實築用蓋子蓋訖使六一泥

固濟留縫一寸不泥合火炙令乾先用文火養一日
夜後用文武火從午時燒至申時通赤縫中有煙焰
藥氣即抽火向後急泥合縫用篩了淨灰蓋窰餅子
後至來日冷即開取藥出搗羅下用篩了濕淨沙土
攤開上以重抄紙三重襯置藥在上上更以三重抄
紙蓋細勻洒濕上以盆合蓋經三日夜每日微晒日
滿取藥再入鉢與鉛霜一味同研細用爛蒸青州大
棗取肉研如膏拌和丸如梧桐子大每服一九至兩

丸用豆淋酒下空心午時夜卧服得汗出慎外風未汗用熟生薑稀粥投汗出即瘥

附子補湯

出聖濟總錄

治中風服前湯後服

附子

炮裂去皮臍

石膏

碎乾薑

炮各一兩半

桂

去粗皮

犀角

鎔各二兩

地骨皮

白朮

獨活

去蘆

芎藭

各二兩

右剉如麻豆每服五錢匕水一盞半入生薑半分切煎至八分去滓空心溫服三服後用熟生薑稀粥投以厚衣覆令出汗不止以牡蠣粉粉身覺熱壅即踈

服病勢損不必盡劑服此二藥未效宜服薏苡仁湯

青金丹

出御藥院方

治中風不省痰涎壅滯在咽嗑間如

拽鋸聲連服三兩丸或吐或利後精神出立省

膩粉

粉霜

各一兩

滑石

為末

水銀

錫結砂子一兩

半夏

湯洗過生

薑汁浸為末三錢

青黛

二錢

腦子

麝香

各一錢

續隨子

去皮研一

百二十箇

右為末同研令勻水丸如榛子大每服三兩丸煎葱白湯下或薄荷湯化亦得

大星附湯

一名生附散
出醫方大成

中風雖能言口眼喎斜而手

足蹶曳脉虛浮而數風中肺也蓋風中肺則口眼喎
斜風中腑則肢體廢風中臟則性命危凡風中腑痰
涎昏冒牽掣不遂宜以汗解服澹寮方

天南星

半夏

二味切
薑汁浸

黑附子

白附子

川烏

並生
去皮

殭蠶

人參

白茯苓

沒藥

研各
等分

右咬咀每服二錢水酒各一盞煎至七分去滓服并
進得汗為愈鹿本薑七片

防風湯

一名防已湯

治證同前

方見中風半身不遂類

水銀丸

出聖濟總錄

治中風仆地口眼喎斜涎潮語澀手

足不遂及非時胃膈痰涎

水銀

一兩

臘茶末

半兩

青州棗

十枚

取肉煮

右將棗肉同水銀研令星盡然後入臘茶末一處研勻旋滴糯米飲丸如皂子大每服一丸溫酒下不計

時候磨下

防風湯

出本事方

治中風內虛腳弱語蹇

石斛

一兩半

乾地黄

杜仲

丹參

各一分

防風

川芎

麥門冬

桂心

川獨活

各一兩

右為粗末每服五錢水一大盞半棗二枚同煎八分

去滓溫服

金箔丸

出旋舍備要

治中風語澁口吐涎頭目昏項強直

口眼喎及治痰飲腸鳴清膈利涎踈風壅

金箔

五十片

天南星

炮

半夏

各一兩

白附子

炮

雄黃

研飛

半兩牛黃

研

硃砂

研飛

半兩人參

半

犀角

一分

右為末麪糊為丸菴豆大生薑湯下十五丸急病竹

瀝下

茯苓湯 治中風入腹心下如刺不得卧或在脇下轉
動無常腹滿短氣愒愒欲死此病或中虛冷或素有
宿食食飲不消或素風氣在內今得他邪往干五臟
故成此病

茯苓二兩 芡窮 乾薑 芍藥 白朮 當歸 人

參各一兩 枳實三分 甘草二兩

右細切以水九升煮取三升日三服若病劇者可相
去人行五里頃一服胃中有氣可加人參二兩服一
劑不瘥不過兩劑忌海藻菰菜桃李雀肉大鮓

牛黃丸

出聖濟方

治中急風涎潮昏塞不省人事口眼喎

斜手足羶曳抽掣麻木筋脉拘急皮膚不仁

牛黃

別研

天南星

搗羅為末內牛膽中隱乾者各一兩

白附子

生用

天

麻

三分

天雄

炮裂去皮臍一分

躑躅花

醋拌炒半兩

烏頭

炮去皮臍一兩

犀角

二兩

右除外搗羅為末拌勻煉蜜為丸如雞頭大每服一
丸或二丸溫薄荷自然汁化下不計時候

羌活湯

出聖濟
總錄

治中風身體疼痛四肢緩弱不隨

羌活

去蘆頭
半兩

葛根

三分

甘草

炙一分

乾熟地黃

焙三分

桂

去粗皮
一分

芍藥

半兩

麻黃

去根節
三分

黃耆

半兩

右判如麻豆大每服五錢匕水一盞半煎至八分去
滓食後良久溫服訖衣被覆取微汗為度

雄硃丸

出和
濟方

治中風涎潮咽膈作聲目眩不開口眼

喙斜手足不遂應是一切風疾並宜服之

雄黃

研

硃砂

研

龍腦

研

麝香

研各一兩

白附子

生

天南

星

洗生

白殭蠶

去絲嘴生

烏蛇

去皮骨生各半兩

右除研外餘皆為末煉蜜為丸如梧桐子大如中風涎潮牙關不開先用大蒜搗爛塗在兩牙關外腮上次用豆淋酒化一丸揩牙齒上即開續用薄荷酒化下一兩丸如丈夫風氣婦人血風牙關緊急者只用豆淋酒化藥揩牙齒上即開如頭風目眩暗風眼

黑欲倒者急嚼一兩丸薄荷酒下

八味順氣散

出濟生方

治中風亦當間服此藥中氣者尤

得其宜

白朮

白茯苓

青皮

去白

香白芷

陳皮

去白

人參

各一兩

甘草

炙半兩

天台烏藥

一兩

右為細末每服三錢水一大盞煎至七分溫服不拘時候可加生南木香仍以酒化蘇合香丸兼服蘇沈良方謂蘇合香丸祇用人參湯否則白湯嚼如古方

用酒多不效然愚謂恐人之臟腑有不宜酒者古方
末間服有風之人先宜服此次進治風藥

療風飲子

羌活

三兩

桂心

半兩

人參

一兩

蜀升麻

茯苓

防風

生薑

和皮切

生犀角屑

各二兩

右切以水一大升煮取二大合分溫三服如熱下竹

瀝一盞忌生葱鮓

七寶丸

出御藥院方

治中風不計緩急涎潮冒悶不知人

事

丹砂 牛黃 水銀 龍腦 膩粉 麝香

以上各細

研各一錢 金箔 大者二十片與藥同研

右再同研令水銀星盡用蒸棗肉丸如梧桐子大病輕者每服十丸重者二十丸溫水化破服利下涎須服和氣藥日後時慢服治風藥○治中風涎潮不下精神昏憤不省人事者用薄荷湯磨下

雄黃半夏丸

出聖濟總錄

治五臟內虛中風昏冒涎潮氣

壅

雄黃

研飛過一兩

丹砂

研一兩

膩粉

研一分

麝香

研一分

半夏

湯浸七遍去滑焙三分為末

牛黃

研一錢

天竺黃

研一分

右研極細用生薑自然汁調麪和丸如梧桐子大每服一粒食後臨卧生薑湯下如要行風氣空心服二粒甚效

銀粉丸

出御藥院方

治中風痰涎不得下精神昏塞不省

人事

水銀

二兩錫結沙予另研

突中煤

牛黃

研各半兩

麝香

另研 蠟稍

各一兩

天南星

四兩牛乳拌勻濕炒

白附子

生薑汁拌勻炒取二兩

右除別研外為細末後同研令勻煉蜜和丸如彈子

大每服半丸薄荷湯化下如大便不利薄荷湯調膩

粉半錢匕下小兒服量虛實服如豆大一二丸

桃溪回陽丹

出簡易方

治卒暴風中氣中癱瘓手足不遂

語言蹇澁口眼喎斜筋脉攣急半身不舉不省人事

川烏

洗 草烏

各三兩洗

地龍

洗

五靈脂

洗

南星

洗

腦

子麝香各少許

右日乾細末蜜丸雞頭子大每服半丸漸加小丸至
大丸薑汁磨化溫酒先嚼薄荷日午夜卧服癰瘰不
能行服三十丸必愈如中風不軟只口眼喎斜服三
二丸效

紅龍散出三因方

治一切中風前開闕竅不致枯廢服此

後服治風之藥

硃砂別研

五靈脂

各一兩半

全蠍

半兩

茯神

草薢

各一兩

腦

子別研麝香別研各半錢

右為細末每服二錢酒調或煎荊芥薄荷湯服次服

神異溫風丹

十二味正氣散

出朱氏集驗方

治風中氣中

陳皮 厚朴 半夏 藿香 甘草 人參二錢半

茯苓 白朮 石菖蒲 木香 遠志 薏苡仁

各半兩

右除人參外餘藥各半兩咬咀每服三錢水一盞薑

三片棗一枚煎八分服

通心辰砂丸

出旅舍備要

治一切風涎潮發以至狂語狀

若心風只服此藥方

硃砂

半兩研

龍腦

半兩研

礞砂

半兩研明者

黃丹

炒一錢

白芥子

微炒取末一兩

半夏

湯洗取末半兩

天南星

炮取末半兩

右研勻麴糊丸如菉豆大更研硃砂為衣每服十五

丸同鐵粉牛黃丸共服

喘鼻奪命散

出德生堂方

治中風不省人事口眼喎斜痰

涎塞壅半身偏廢及卒中風癰即陰證傷寒手指青冷諸般眼疾暴發者悉皆治之

頑荊葉 石菖蒲 谷精草 東平薄荷 芫

各四錢

窮

二錢半

藜蘆

二錢半

細辛

二錢半

右為細末先令患者吃蔥茶一盞後噙水在口卻用手捻藥末些小嚙入鼻內如手不可動以葦管吹入即時痰唾涕噴隨時見效如三次吹藥不涕噴其病難治以順氣之藥服之為效

分涎散

出御藥院方

治中風涎潮作聲不得出口噤手足

搐搦

方見急風類

薏苡仁湯

出聖濟總錄

治中風肢體緩縱精神恍惚言語

寒澁

薏苡仁

炒五兩

萎蕤

切焙三兩

犀角

鎔二兩

茯神

去木三兩

烏梅

去核七枚

麥門冬

去心焙三合

右粗搗篩每服五錢匕水一盞半入生薑半分切煎至八分去滓入竹瀝白蜜各少許再煎三五沸食後

日午夜卧各一服

附子湯

一名附子散
出醫方大成

治五臟中風挾寒手足不仁口

面喎斜昏暈失音眼目睵動牙車緊急不能轉動

附子

炮去
皮臍

桂心

各半
兩

細辛

去
苗

防風

去
叉

人參

乾薑

炮各
六錢

右剉為散每服四錢水一盞半薑五片棗一枚煎至七分去滓食前服或為末酒調二錢服亦可

青龍湯

治中風發三春脉浮短者多啗大而長可療

甘草

一兩

生薑

芍藥

各二兩

大棗

二十枚

麻黃

二兩去節

桂心

七寸

右咬咀以水六升煮取二升半分為兩服初服覆取汗後即止忌海藻松菜生葱等物

三陽湯 治中風發三夏脉沉緊惡寒不汗而煩

當歸

一兩

生薑

二兩

甘草

炙五分

麻黃

五兩去節

杏仁

四十枚去皮尖

并雙仁碎為用

石膏

二兩

碎

右咬咀以水六升煮取半升再服忌海藻松菜等

物

扶金湯 治中風發三秋脉浮大而洪長

葛根

三兩

獨活

二兩

附子

一兩

炮

石膏

二兩

碎

右㕮咀以水八升煮取三升服九合日三夜一忌猪

肉冷水等物

溫脾湯 治中風發三冬脉浮者

芡藟

二兩

石膏

四兩

碎

甘草

炙

四

黃芩

三兩

杏仁

四十

雙仁

去皮尖

麻黃

六分

蜀椒

二分

防風

四分

桂心

分

分五

右咬咀以水八升煮取三升分三服忌海藻松菜生

葱等物

五虎湯 治中風譫呓目睛上視牙關緊急涎盛昏塞

不省人事

出衛生家寶方

南星

草烏

川烏

並炮去皮

半夏

炮七次

皂角

去皮絃子

炙

右咬咀等分每服三大錢水二盞薑十片煎至八分

去滓溫服不以時口噤灌下余居士選奇方二草烏
川烏並不去皮尖

二香三建湯

出醫方大成

治男子婦人中風虛極言語蹇

澁六腑俱微舌強不語痰涎並多精神如癡手足偏
廢不能舉動此等證候不可攻風止可扶虛

天雄

去皮生用

附子

去皮生用

川烏

去皮生用各一兩

木香

不見火半兩

沉香

香

旋磨水入

右咬咀每服四錢水二盞生薑十片煎至七分去滓

溫服空心食前

勝金丸

一名硃砂丸
出簡易方

治中風忽然昏昏若醉形體昏

悶四肢不收涎潮于上膈氣閉不通

生薄荷

半兩

猪牙皂角

二兩槌碎水一升二味一處並搗取汁慢熬成膏

瓜蒂末

一兩

藜蘆末

一兩

硃砂

半兩
研

右將硃砂半兩與二味研勻用膏子搜和丸如龍眼
大以餘硃為衣溫酒化下一丸甚者二丸以吐為度
得吐即省不省者不可治心用方論中風無吐法引

金虎碧霞為戒且如卒暴涎生聲如引鋸牙關緊急
氣閉不行湯藥不能入命在頃臾執以無吐法可乎
但不當用銀粉藥恐損脾壞人四肢爾

荆瀝湯

出聖濟
總錄

治男初中風四肢不收心神昏憤眼

不識人不能言語先服

荆瀝

竹瀝

生薑汁

各一升

生薑汁

三合

右和勻去滓瓷器中煎三五沸每服二盞平旦日午
晡時夜卧各一服服訖覺四體有異以次更服後防

風湯

次服防風湯

出聖濟總錄

防風

去麻黃

去根節先掠去沫焙各二錢

杏仁

湯浸去皮尖并雙仁炒

芎

窮防己

人參

附子

炮裂去皮臍

石膏

研三兩

黃芩

去黑心桂去粗皮

甘草

各半兩炙

芍藥

羚羊角

銹一兩

右剉如麻豆每服五錢匕水一盞半入生薑半分切

煎至八分去滓更入竹瀝葛汁各少許再煎三五沸

溫服日二夜一覺減損更服後防己竹瀝湯

次服防已竹瀝湯

出聖
總錄

防已

劉一
兩

防風

去
義

升麻

麻黃

去根節先煎
掠去沫焙

桂

去
粗

皮
芎藭

獨活

去蘆
頭

羚羊角

鑄各三兩一
方無獨活

右粗搗篩每服五錢匕水一盞半煎至八分去滓更

入竹瀝一合再煎三五沸溫服日二夜一手足逆冷

加生薑三兩白朮二兩風若未除更服後防風獨活

湯

次服防風獨活湯

出聖濟
總錄

防風

去

獨活

去蘆頭

秦艽

去苗土

黃耆

芍藥

人參

茯神

去木

白朮

剉

芎藭

山茱萸

薯蕷

天門

冬

去心焙

桂

去粗皮

羚羊角

銹

升麻

麥門冬

去心焙各一兩

甘草

炙

丹參

五加皮

厚朴

去粗皮生薑汁炙

石斛

去根

地骨皮

遠志

去心各四兩

陳橘皮

湯浸十日焙

附子

炮裂去皮

麻黃

去根節煎掠去沫焙各三兩

石膏

碎六兩

乾菊花

半開者一升微

薏苡仁

炒升一

牛膝

去苗酒浸切焙

熟乾地黄

焙六兩

右剉如麻豆每服五錢匕水一盞半入生薑半分切

煎至八分去滓空心日午夜卧各溫服如覺心膈虛
煩滿悶氣喘面赤即與前四味荆瀝湯相間服佳又
用竹根竹葉細切煮濃汁去滓代水煎防風湯尤良
一方治偏風半身不隨肌肉偏枯者加防已二兩可
再服本類荆瀝湯

小竹瀝湯

出醫方大成

治中風涎潮言語昏塞四肢緩縱

不收

秦朮

去苗上剉

防風

去蘆頭

附子

炮去皮臍

獨活

剉一分

右水四盞煎二盞入生地黃汁竹瀝合半盞煎三五沸去滓分四服不拘時熱服病去以他藥扶持未知再作

羌活湯

出仁存方

治中風眩暈惡風自汗或身體不仁魚濕身體疼煩掣痛不可屈伸或身微腫

羌活 附子炮 白朮 甘草

右等分每服四錢水一盞半薑五片煎至八分去滓溫服不拘時

雄附醒風湯

出醫方大成

治中風涎潮牙關緊急不省人

事

附子

一箇天雄

一箇各

蠍稍

半

南星

一箇一兩重與雄附並生用去

皮臍

右呖咀每服五錢水一盞薑七片煎七分不拘時

三化湯

出拔萃方

治中風外有六經之形證先以加減續

命隨證治之內有便溺之阻隔復以三化湯導之

厚朴

薑製

大黃

枳實

羌活

右剉如麻豆大每服三兩水三升煎至一升半終日服之以微利為度無時法曰四肢不舉俗曰癱緩故經所謂太過則令人四肢不舉又曰土太過則敦阜阜高也敦厚也既厚而又高則令除去此真所謂膏粱之疾非肝腎經虛何以明之經所謂三陽三陰發病為偏枯痿易四肢不舉王注曰三陰不足則發偏枯三陽有餘則為痿易易謂變易常用而痿弱無力也其治則瀉令氣弱陽衰土平而愈或三化湯調胃

承氣湯選而用之若脾虛則不用也經所謂土不及則卑陷卑下也陷坑也故脾病四肢不用四肢皆稟氣於胃而不能至經必因於脾乃不得稟受也今脾不能與胃行其津液四肢不得稟水穀氣日以衰脉道不利筋骨肌肉皆無氣以行故不用焉其治可補十全散加減四物去邪留正

桂枝湯 治中風身體煩疼惡寒而自汗出頭強痛急

桂心

五兩

生薑

八兩

甘草

二兩

葛根

八兩

芍藥


三兩

大棗

十二

校 學

右切以水七升煮取二升半服八合日三溫服取汁
忌生葱海藻松菜



普濟方卷八十八